

存素堂文集

存素堂文續集目錄

卷一

序

陳芝房進士詩集序

退滋齋詩集序

蘿月軒詩集序

試墨齋詩集序

尚絅堂詩集序

恩福堂詩集序

墓表

耿處士墓表

記

重修李文正公墓祠記

跋

明萬歷二十五年順天鄉試錄殘本跋

惟清齋石墨跋

石倉十二代詩選跋

書後

明狀元圖考附三及第會元詩書後

例言

朋舊及見錄例言

傳

許愚溪傳

存素堂文續集卷一

戊辰年

法式善著

序

陳芝房進士詩集序

陳芝房進士博雅君子也余因王惕甫識其人登第後需次國子監官余忝爲祭酒時時過余余輯科名掌故二書未就軼聞逸簡浙江詢自戴服塘奉常者居多江南則芝房日有裨益余始於王惕甫齋中讀其詩清駿拔俗未果鈔也以爲遲之十年廿年必更有進余意如是芝房意亦如是相親密若芝房鈔其詩何難而竟不然芝房死寄書惕甫索其詩不得悔且恨焉今年春夏間屢接陳主事稽亭講求作古文法因索其詩靳不予曰余詩遠不逮吾家

芝房奚遺彼而取余芝房久住京師先生曾未識之耶遂
出芝房詩乞勘定余喜出望外夫一詩也日見之而不及
鈔之及鈔之而又不能得之與夫不意得之而竟得之者
皆天也芝房湛深經術博通史籍尤留意先民遺行瑣語
口述手畫情狀如見初不計其僅以詩傳也而稽亭僅傳
其詩而余亦僅傳其詩悲夫

陳稽亭曰俯俛今昔憾慨殆有餘味僕嘗爲同年三進士傳載芝房
崖略而不能詳得此文足以傳芝房矣

吳穀人曰波瀾層折亦是廬陵家法

退滋齋詩集序

乾隆癸卯余官司業坐彞倫堂課三舍生詩謝君梅農時
官助教擬詩先就傳觀堂上下咸推服爲絕詣蓋斯時梅

農以詩名天下者已十餘年矣余閒有所作必乞勘定梅農遂引爲知己

辟廡殿成梅農歌詠揚詡酌古準今作爲文章載在典冊余既遷庶子去而梅農亦就外職佐郡楚北大府賢之軍書草檄多出其手余私心計之曰梅農將無暇爲詩矣爲之亦必不能如在太學日之工且多既而賊平敘功梅農得晉官余又私心計之曰梅農將有暇爲詩矣爲之必能如在太學日之工且多而孰意其無暇爲而竟爲宜爲之而又不及爲耶余緝朋舊遺詩僅存梅農一兩章新安曹尚書告余曰梅農死矣無後惟詩具在詩在梅農不死因借其全集歸披覽卒業大約根柢深蘊釀厚入楚以後諸篇悲壯蒼涼尤爲雄傑因嘆戎馬倉皇閒不廢風雅者學

也人也功成受上賞忽焉殂謝者命也天也人可知天不可知也其惟存其詩以存其人乎

陳稽亭曰每論定一集必詳加品藻其人在焉呼之欲出念舊之誼重可感夫

吳穀人曰余與梅農交三十年矣當戊戌己亥間余寓米市街梅農館韋約軒前輩聽雨樓所居既適倡和極樂而其爲人也醇雅敦摯故交久益親後梅農以佐郡赴楚去但聞其贊軍事甚勤其敘勞又甚渥度必至京師可以一見曾不意其遽至于死死且無後即遺稿亦不知其流失何處矣每思之輒惘惘終日今讀此文始知其集固尚在人間既幸詩之得傳而并快斯文之先有以傳梅農也

蘿月軒詩集序

乾隆三十四五年閒余讀書僧寺錢唐孝廉張凱攜其弟

子詩至相與評泊贊嘆弗休詢其年方穉也筆則凌厲心
奇其人後交治亭乃識爲閻峰作遂得盡窺所著述張孝
廉向攜示者特鱗甲耳閻峰後余一年入詞館誼益親往
來酬唱益密同官學士同爲講官切磋砥礪善相勸過相
規于于如也閻峰受

特達知官少宰入直

南齋職業清要不復時時過從然退直稍暇折柬招呼煮
茗說詩流連於蘿月軒燈昏爐火且盡商榷句法反覆推
勘稿屢易別後遣僕馳書樓鐘三四轉叩余門仍有所問
難臨歿前二日余往視病執余手曰余詩未成就奈何善
爲余匿其短蓋好學深思不自滿假世罕有及者閻峰外
寬而內嚴臨事銳而用心細一言一動不肯苟且而詩尤屬

意集甚富治亭自江南節署寄書謂余曰子其汰之使閨
峰必傳嗚呼閨峰之傳有餘於詩之外者矣區區文字未
務未能限閨峰也而文字之足傳已如是焉後之人安得
不重其人以重其文歟

陳稽亭曰余鄉試實出治亭尚書門顧性懶惰在京師未數數晉謁
至閨峰侍郎則生平未嘗一見陳負外啟文爲言侍郎高峻絕塵清
操自勵陳君質直當不我欺得此序言足以傳侍郎矣

試墨齋詩集序

試墨齋遺詩一卷大興前輩舒子展先生手草也先生中
康熙五十一年進士選翰林授檢討五十四年分校禮闈
得士稱盛後遂終于官先生孫位以名孝廉遊學大江南
北文藻輝映一時不忘淵源自出奉先生手稿乞余勘定

謀授梓余惟先生詩載在沈尚書別裁集者久爲士林傳誦其他佳篇散佚過半今所存僅僅如是不有賢子孫收拾于蠹殘鼠嚼之餘則此數十年精氣不且淪散乎近年滇黔西粵僻在邊徼章縫之士沐浴太平淑躬

文教爭自濯磨又得李松甫表蘇亭傅竹莊數君子提唱之挾隱闡幽彙輯成書風俗丕變況我

畿輔之地沿燕趙遺風悲歌慷慨使酒挾劒奇氣鬱勃皆能搖撼星斗鏤刻腎肝也朱文正紀文達兩相公朱竹君翁覃溪兩學士王芥子李文園邊秋崖戈芥舟諸先輩余皆獲侍其杖履聞所議論東南人士無不奉爲依歸生平著述膾炙人口惜無人發凡起例勒成卷帙如松甫蘇亭竹莊耳茲集梓成孝廉倦遊歸里開選樓洗滌筆硯馳書

四方約同志三五人搜羅探討在朝在野遺文剩句諒不
鮮也余方以此事日往來于心當傾筐箚所藏以附益之
如元遺山之於商右司平叔矣

陳稽亭曰少時覽陳伯璣詩慰每集有序或用他人之作或自爲論
誤皆古雅可愛讀茲文庶幾遇之

尚綱堂詩集序

余不獲與醇甫坐石鼓下分題課詩得佳句輒歡笑叫呼
者十三年矣今年醇甫應禮部試來京適余悼亡醇甫
唁余於詩龕出尚綱堂詩集四十卷乞勘定乃盡窺其生
平蘊蓄並得近年棲泊羈旅艱苦情狀扼腕者久之禮闈
榜發醇甫爲舉首報罷者胥翕然推服無間言私心慰藉
於時醇甫年四十七矣目眊書字不能工抑置二甲選入

翰林重宿望也余因而感焉方醇甫與莫王陳盧諸君子
鼓篋橋門也醇甫詩筆秀麗六舍生望之爲高才爲雲霞
中人制藝文夏夏獨造與莫子翱翔馳騁乃造物若或抑
之且久抑之而後顯其名于天下將以老其才與今其詩
具在少作明艷之篇居多肄業太學以後則沈博矣放浪
江湖以後則排奭矣茲則清道駿邁以快厲之筆達幽隱
之思如水銀瀉地天馬行空矣應試之作尤工學少陵而
不爲少陵所囿所謂屬對詮題別有神解集中未載異日
另本單行可也醇甫與莫子齒相若才相亞莫子

擢上第衡文四方藝林奉爲宗匠而醇甫以相門子青衫
忝于隘巷挾廬低首下心三黜于有司而後遇可謂窮
矣雖然其遇窮矣其氣未始窮也常郡故多詩人黃仲則

死洪稚存秦小峴孫淵如趙味辛楊蓉裳呂叔訥皆與余
遊好余皆嘗論定其詩如醇甫者蓋在數子之間乎

陳稽亭曰深情遠致俯仰低徊歐陽公集中有數文字

吳蘭雪曰芙初以詩文受知于先生者最早故論稱皆確當有據至
于用筆之纏綿悱惻則感人心深矣

恩福堂詩集序

余幼喜講聲律泛覽百家苦無歸宿庚子年登第出德文
莊公門公固深於詩者也因得聞由博返約之論退而取
杜少陵集及王新城五七言古詩選究其旨趣皆與文莊
公合由是稍稍會悟公有所作每命和之時院長英公方
髫髻識奇字解韻語分題命筆余亦莫之能先而院長固
喜就余論說以發明文莊公之祕奧忽忽三十年余老且

病愧不能闡揚師教而院長以文章受

特達知政事之暇肆力風雅忠愛之思清刻之致不假強
爲軒揚乎紙上一官一集釐爲若干卷斯真能衍文莊公
之詩教者矣迴憶豐臺廢園看芍藥花憩農家煮茗聯吟
西山榛莽中尋退翁亭舊址飲泉水就石壁題詩歸而錄
爲帙呈文莊公一一品定恍前日事耳而院長珥筆天上
賡歌颺拜對揚

天子休命出使四方慰勞民間疾苦不皆趨庭之訓有以
基之乎茲集斷自癸丑登第以後摹雲繪日之鴻篇若會
昌一品集者船山左田書農蘭雪諸君皆能親切言之至
於溯所自出歸美於我文莊公之詩教區區固不敢多讓
矣

李喬生曰立言最得大體昌黎之以頌以規也

陳稽亭曰全於頓挫處出精神照應處見義例的是作家

吳蘭雪曰余嘗襍被恩福堂之西軒者三閱月官保全集粗校一過未及跋識讀此乃先獲余心

墓表

耿處士墓表

處士襄城人諱奇標字篤生先世稷山人明初徙河南父習吉官國子監典簿處士兩試有司不得意援例貢成均典簿君以老疾廢家事悉委處士處士既任家事和睦族黨爲務掃塋祭先必誠必敬教族人無少長皆崇禮教不使有詬誶聲急病讓夷汲汲如不及當卽襄亂民擾楚豫閒凡官運糧餉有資於民者處士身爲衆人先蓋忠信出

於天性然也平居誠諸子曰讀書以明理立品非僅科第計也與爲強悍寧爲文弱與爲機械寧爲質訥蓋其言質而意不在於急功近名趨利避害也如此嗚呼使人人皆能勉處士所爲犯上作亂之風有不泯而禮讓仁厚之習有不成乎余故於處士他善事皆略焉而表是以爲世法至其族系子姓詳于墓誌茲不著

秦小峴曰簡古峭勁荆公法也

記

重修李文正公墓祠記

墓祠修于嘉慶六年春倡議者余而始終其事者謝薌泉振定也七八年來垣墉多爲秋雨損壞宜繕葺山童地空宜樹槐柳榆杏雜木于陂陀左右爲蔭庇距溝渠遠汲灌

塗墍皆艱土人以甃井請意其善商之鄉泉鄉泉適病善
化表太史名曜者誠篤士也約其鄉人陶君章瀉張君學
程度其原隰畫其經費任其勞怨一如謝君志閱若干日
工成增屋若干井一樹若干其出貲若干皆宜書名于後
爲行善者勸而法式善文以記之時嘉慶某年月日也

陳稽亭曰修潔簡峭似柳子厚

跋

明萬歷二十五年順天鄉試錄殘本跋

鄉會試錄暨齒錄各書近世有科目家罕有存者蓋非入
廢券棄帳雜燒之即束置高閣飽蟬鼠而已間有賢子孫
知加寶護什襲以藏外人復艱於觀覽余輯清祕述聞雖
近百餘年賸觚逸乘零落如晨星矧數百年以上哉偶於

老嫗補窗破紙中檢出殘葉計三十有九番爲有明神廟
二十有五年順天鄉試齒錄閱其所載殆刻於丁酉後十
六七年或懷舊者之所爲非若近時刷匠榜下所輯售復
有墨識數處當啟楨間瓜葛此錄者偶相憶綴顧若周道
登王舜鼎邵景堯諸人或登顯官或擢上第咸足以資考
證惜其破缺不完也曩刻科名掌故詳及字號人多疑之
他日或根是有所著將復誤予以疑人者其在此殘表與
陳稽亭曰周道登曾爲相而相業無足觀世人幾不知其名氏讀此
曷勝慨然

吳蘭雪曰末數語最澹宕

惟清齋石墨跋

治亭尚書翰墨北方學者久奉爲楷模近年大江南北得

其片楮珍如球璧特尚書負荷日重河務尤瘁心力不復
留意文字矣求書益難江南老友錢梅溪工六法所刻詒
晉齋帖風行海內復得尚書臨摹數種勒諸石而以篇幅
略少爲歉戊辰冬券驢訪友長安過余齋見尚書贈答竿
牘頗多謀借歸上石且許甄綜原札裝成卷軸見貽甚盛
舉也余與尚書三十年交好千里睽違振觸舊遊每一披
覽輒摩挲不能已梅溪重其手蹟鐫爲石墨之華供人間
秘玩則我二人之精神不且藉梅溪以傳乎余甚慰焉因
樂爲跋之以堅其願

吳蘭雪曰尺幅間波起雲興層折無數嘗於隋唐人畫境中過之何
復得諸此文

石倉十二代詩選跋

四庫全書提要云石倉歷代詩選五百六卷學佺工詩去
取頗有別裁其明詩分初集次集千頃堂書目尚有三集
四集五集六集三百八十四卷今佚禮部委校勘者則千
七百四十八卷較四庫所收多至千餘卷矣古逸詩十三卷
唐詩一百卷拾遺十卷宋詩一百七卷元詩五十卷明詩初
集八十六卷次集一百四十卷三集一百卷四集一百三十二
卷五集五十二卷六集一百卷七集一百卷八集一百零一卷九
集十一冊十集四冊續集十冊再續集九冊三續集五冊三
四續集一冊四五續集一冊五續集三冊五六續集一冊南直
集八冊浙集八冊閩集八冊社集十冊楚集四冊川集一冊
江西集一冊陝西集一冊河南集一冊九集後不分卷以冊
代卷其曰三四續四五續五六續義例難通而雕鐫完好

有書堂文集卷二
刷印清楚自是閩中初搨精本余時方校補新安二吳氏
科名書僅錄十九家而止詩之正變升降書之錯雜踳駁
未及論也書歸十日而禮邸有回祿之變此書不可知矣
後有輯明代詩者不可不于此書留意故詳著其篇目以
待考

陳稽亭曰繁衍處頗有關係存此以待考核

李塹生曰足補明史藝文志表揚之功大矣

書後

明狀元圖考附三及第會元詩書後

余承纂

本朝詞林典故因及明代佚書見吳立性吳承恩有狀元
圖考之刻而附錄三及第會元詩世所罕覩既嘉其足資

考證而又病其闕略欲增補之適禮部以曹石倉十二代詩選委校勘雜亂冗蔓儘可芟汰然遺文賸句在在而有甄錄十九家亦世所罕覩者也鈔成二鉅帙補二吳氏所未備復馳書四方學使訪諸學官並弟子員零星郵寄日有所益其人應增而其詩未入者則俞憲百家詩宋宏之四明風雅朱隗明詩平論

御選明詩朱彝尊明詩綜施何牧明詩去浮趙瑾晉風選汪森粵西詩載施閏章宛雅李嗣鄴甬上耆舊詩沈季友樵李詩繫宋弼山左詩鈔顧光旭梁溪詩鈔吳玉搢山陽耆舊詩吳定璋七十二峰足徵集王昶青浦詩傳朱炎金華詩錄汪學金婁東詩派曾燠江西詩徵及家藏西墅集紫墟集戒菴集居業編占星堂集等書皆因篇帖浩繁且

在篋笥不急鈔也姑列其名目他日有所編輯當就此衍
爲體例詳爲敘次并其人之生平事蹟勒成一代之書非
專講聲律已嗟乎科名世所重也三及第會元世所尤重
也閱今三四百年或不能舉其姓氏矣能舉其姓氏而不
能述其語言矣有明一代三及第會元奇行偉節卓卓有
所表見不可磨滅者數人文章超越流俗者又四三人耳
甚矣世之以科名重者當觀其深焉余之意在此而不在
彼也

吳蘭雪曰補闕備遺足資聞見入後議論正大有道之言

例言

朋舊及見錄例言

是集之錄畧仿述菴王氏湖海詩傳而體式則遵用竹垞

朱氏明詩綜惟王氏於朋友贈答之篇無不備錄而應制聯句次韻題照諸作甄取亦似過多茲因別有聲聞集之輯故所收較王氏爲嚴既限於朋舊則亦不能如朱氏之博稽旁採故所收較朱氏爲略

朋舊中見示佳篇甚夥茲編所載僅及什一吉光片羽以少爲珍若夫全集久已風行海內鴻篇鉅製美不勝收遂獨取其蕭寥曠放諸篇非示別裁姑存梗槩

十年聽雨者謂之朋舊千里論文者亦謂之朋舊如簡齋山舟辛楣禮堂夢樓甌北姬傳諸前輩竹初石桐芷衫退菴蘇亭琴士柳村心盒諸君子始通縑素繼託心知又或因其父兄逮其子弟或因其弟子及其先生若此類者其詩皆擬錄存若曾無聞問雖傑作如林概從割愛

有素堂文集卷一
是編義存錄舊非擬選詩其有上薄風騷高陵陶謝者固
宜亟爲綜括即體格稍侈篇章稍隘亦未肯盡加淘汰意
各有在言豈一端

是集就余目前及見隨時編錄故所收止此凡我朋舊或
持節外臺或著書林下郵筒寄示敬待補鈔

朋舊中如吾山梧岡純齋諸君皆有專集而所見特少端
崖蘭公茶山笏巖諸君皆有傳作并不得一見屢勤採訪
始終闕然爲之扼腕

編次先後有科目者以科目爲序無科目者以出處爲序
略分三段落乾隆壬申科已前爲第一段落以余始生之
年定之乾隆庚子科已前爲第二段落以余登第之年定
之嘉慶己巳科已前爲第三段落以余成書之年定之仕

隱俱收歿存並錄

會科後附以鄉科鄉科後附以薦拔諸科豈比登科之錄
幾同選佛之場披覽一過如坐春風如逢舊雨用誌一時
之悅樂而已至於發明詩教津逮後人猥用相推則吾豈
敢

陳稽亭曰義例謹嚴神情曠逸

李喬生曰盎然吐握之誠

許愚溪傳

君氏許名在文字開武一字允茲愚溪其自號也由歙遷
績溪父太學生諱用光君性穎敏五歲就傳塾師指示字
畫聲音故參錯之君牽連成誦不俟句讀年十一讀書五
千卷矣作文喜組織古人成語或告之曰食古貴化奚餌

釘爲君乃一變爲清空之文舒卷有奇氣既復愛讀賈生書遂工爲古文辭有人誘爲金葉格戲者頗親暱父覺怒嚴治之使自艾而奇疾作君終不欲聞諸父廣貸醫書私自研究閉一室攝精調神輔之以藥疾遂瘳而岐黃之術亦大進年十六入庠文筆矯異不合於有司蕭寥曠放佗僚失意往往託諸詩歌年廿四食餼教授城東出其門者文必異於衆郡守何公試紫陽書院君瘡作稿未完何公拔置第一季弟性豪邁而遠於文墨君憂之偕讀山中誘習騎射入武庠諸女弟誨之內則及名媛詩悉著賢淑稱君於宗族輩行最晚年少者常玩視之君勿與較遇急難仍極力排解族人卒感化焉晚益精醫理爲人治病輒效嘗遇稚子於途張口失聲狀甚苦君告以醋和鹵調羊羹

食之翼日糞下胥炭丸也有老翁溺血久不愈君診脈曰此精縮耳投以季奴數劑而愈君病危人勸之藥則曰有命焉是不可醫也君生平治經易詩皆有著論詩學溫李然不輕作喜讀異書以影質所入購數萬卷藏一小屋中後以不戒於火與詩稿文集無一存者其子會昌每述及此輒心痠君性孝友視科名泊如也洎父歿遂絕意進取以明經老士林至今惜其才謂至性尤不可及云

論曰君之子會昌能文工詩余識之二十年後遇於太學師事余試輒高等居上舍有以知君之善教也顧君以跡弛不羈之才倜儻自喜謂功名可立就乃摧挫於有司數十年人罕知之及會昌舉孝廉述其父之軼事而後隱行積德乃大白於吾黨不然世方以疎狂目之也嗚呼人顧

可無賢子哉

趙味辛曰修潔勁鍊深得龍門三昧

存素堂文續集卷一

存素堂文續集目錄

卷二

序

容雅堂詩集序

香江詩鈔序

谷西阿詩集序

王子文秀才詩續集序

王簪山吾齋詩鈔序

竹屋詩鈔序

胡月巢雲館詩稿序

鶴徵錄序

張鶴儕布衣詩序

楊琴川為吳子野西昌溪村景詩序

是程堂詩集序

胡止舍七十壽序

跋

閱微草堂收藏諸老尺牘卷跋

書

復汪均之書

復南中友人書

復黃心盒書

復顧劍峰書

復汪均之書

行狀

洪稚存先生行狀

墓表

贈武功將軍雲南通判岸亭陳公墓表

誥授朝議大夫禮部員外郎前翰林院編修江南道監

察御史謝居墓表

誥授朝議大夫寧夏府知府何君墓表

墓誌銘

誥封中憲大夫浙江分巡溫處兵備道例晉通議大夫

雲南提刑按察司使李公墓誌銘

記

校永樂大典記

借錄山房西集記

陳石士編修收藏尺牘卷記

又新堂記

校全唐文記

存素堂文續集卷二己巳年

法式善著

序

容雅堂詩集序

有學人之詩有才人之詩學人之詩通訓詁精考據而性情或不傳才人之詩神悟天解清微超曠不可羈紲唐之太白樂天宋之放翁誠齋各得其所近

國朝漁洋尚書以神韻為主悔餘編修以透露為主則又各得才人之一體者也而近世或以其平近少之豈知水性虛而文生竹性虛而節生是有天為不可學而至也麗川中丞在臬黨中單行於予為乾隆三十四年始晤于

宮學懇款周旋一往而深相與論詩益無不合未幾先生授南

官宦比部出為方面馴躋通顯而詩大進天下稱為才人余後
先生十年成進士入詞館中外睽隔不通尺素者且十餘年間
有倡和之篇皆藉慶亭大令郵致最後先生出使萬里外所為
詩益工音調益踈比嚴始獲盡窺先生之詩無不折之筆亦無
不達之情清雋遙深使讀者尋味於意言之表所謂不假人工
天趣自足詢乎奄有其勝出閨之作恢怪奇詭汪洋恣肆尤極
才人之能事非尋常學人所可企及惜乎先生之遽成古人也
先生性踈脫平生著述不自愛惜散失殆盡賴嗣君賢搜羅于
殘賸鈔而存之得如干首以余與先生論詩最早屬序簡端而
為推論其才之不盡由於學如此

阮芸臺曰詩中境地言之鑿鑿而於天人難易之間未嘗不
三致意為真知灼見非比泛常應酬

詩者天地之中聲也洛陽東連齊楚西阻函潼南據淮北逾衡漳而居天下之中豪傑挺生多磊落瑰奇其以文章著名如信陽何大復祥符高子業固皆以詩雄于明代至

國朝睢州湯文正公以理孝顯而其詩文亦雄直可傳皆得天地之中聲文正後睢州詩家推蔣氏庶常公香江詩鈔二卷清而腴麗以則功業雖未昭著於時而述作恢張要有不可磨滅者在況乎其子若孫皆以翰林起家位躋通顯屢司卿會試又柄莭林以宗目之咸推美於庶常公之學與教能行其澤于奕禩而勿衰後嗣有能為文正之學者上追大復子業不難矣吾故曰中州之詩天地之中聲也讀斯集者可以興矣

馬秋藥曰簡樸不支蔓

詩以工勝亦以拙勝以澤勝亦以味勝吾則有取于拙焉味焉
非謂工而澤之不可為也天地之大也萬物之紛華靡麗也而
方寸之地淡與泊相遭而已任天而動無所執焉適然而成
之者道也矜心以往有所迫焉勉然相就就之者事也道愈變
而愈通事屢變而屢散詩之拙而味者其有道之言乎西阿前
輩官詞垣五年乞假歸讀書龍山寺中越十五年再入翰林擢
黃門左遷比部構彩雲別墅于城之西南隅頗得地偏心遠之
趣偶一握管濡墨意思閒遠不事刻削神理淵永非有道人而
能如是乎則其言之拙也宜味也宜昔坡公慕泉明詩終身季
之不能及然後知詩之工而澤者非其至者歟

阮芸臺曰以拙勝以味勝得詩中三昧恐漁洋口中不肯如

能肯如此了

王子文秀才詩續集序

二十年前予又訪余于淨業湖上以詩為贄乞余序余以其人未習而性情心術不相知也未能著筆敦索至再因取文簡公論詩大旨勗勉而著于篇二十年来子文數抵京師至則輒詣余所握手不叙寒溫即朗誦別後得意詩高下長短由湖上水聲林間黃葉聲相間余傾耳聽童子則掩口笑文不問也夫子文以劉寄菴刺史為師以王熙甫侍御為友則其生平不誣可以自信于心者有由來矣聞山川佳勝雖道里遙遠不謀晨曠連磊落若此者凡幾人乎余雖不能雨子文晨夕遇從此唱彼和知其不輩無塵俗氣能決之于素昔者今不遠千里冒雨至京師求余序其詩余年衰多病子文固老健勝前而已六十外矣白髮相對歲月如流舊約恐渝此輩序之

阮芸臺曰寫其詩之分量而其人之情不若銖銖重心
長一氣蕭涵神來之作

王箬山吾齋詩鈔序

余識山左詩人李少鶴最早既而識劉松嵐既而識王熙甫既
而識王子文之數人者或數日而一見或數月而一見或數年
而一見其遭逢會合不同而以詩為性命相砥礪求合於道固
無不同也四五年來少鶴死松嵐^{與甫死}遠宦子文不能時時至京師
是天將孤陋余矣今乃得交箬山豈非厚幸歟余性嗜友朋嘗
從事於文孝侍從之役者久遂嗜吟咏聞佳山水尤愛慕之願
生平足跡未出里閭謂友朋吟咏山水者託諸性情而已山
左故多詩人箬山承其家孝浸淫寢饋于四始六義之旨趣而

晉六朝三唐之境界心能契之口能言之手能寫之退直之暇
庭戶前庭植花藥梧竹斜廊曲檻位致具有詩意蕭然課子弟
讀書古之人孝悌力田天趣多而物累鮮其死也吾尤愛
其五言律詩能于少鶴松嵐興甫子文之外別出杼軸而清微
雄厚幽淡之致不減于諸君蓋心之所從出非藤取諸聲音笑
貌矣吾不得以見諸君得見黃山不可以稍慰藉乎黃山旦暮
有四方之志奇山異水供其錢刻集益富詩益工余將退老田
園把書過日獨尋無友奈之何哉序其詩且自慙詩之不能精
進如此既以告松嵐且諗子文

秦小覲曰論一人之詩而及衆人紀一時之事而及他事
是謂筆外有筆

竹屋詩鈔序

秩于之卒章曰無非無儀維酒食是議似言婦人女子之不必
盡以詩見也第周南首列葛覃卷耳篇中黃鳥灌木金縷兜觥
瑣細鋪陳說者謂召南之采芣亦猶周南之有葛覃也章露亦
猶周南之有采耳也然則婦人女子之宜以詩教天下殆古圣
人所不廢乎淑媛竹屋主人誕生世胄作配天潢幼以文墨為
嬉娛長未廢業寡居後閑閑課子諸侄雜史時時及之題松贈
竹簾素積多心血所濡不忍終棄遂命子姪輩分目鈔存不編
年不分体適其所適而已合其族人問序于余余首先
雅頌集纂之賴之後如蔡夫人蘊真軒詩鈔我母韓太淑人帶
綠草堂詩鈔格律渾成者蓋不數家茲竹屋詩鈔思深旨遠筆
墨幽閒脩然于塵壒外出之于性情守之以禮義譬如空谷之
蘭自開自謝感時之鳥或泣或歌行乎其所得不行止乎其

所不得不止而已矣境界實出於蘊真軒帶綠草堂後生淺孝後生
鯁鯁然必工拙于字句間淺之乎論竹屋詩矣余序而傳之蓋
有不僅僅其詩者也

秦小覲曰淡遠不著議論愈竟言之有文渲染水墨畫技倆

胡君
巢雲館詩稿序

余不識胡君而識為胡君作序詩序之左君左君亟稱胡君不
求人知而又何求人序其詩何與蓋不求人知者君之立品求
人序其詩者君之好孝也姚編修伯昂左君之婿也時時過余
齋論詩一日持胡君巢雲館稿乞余序且述胡君致書欲得余
雨遂寧張侍御言為快侍御天才余遠不逮顧私心慶幸天
苟得好孝如胡君數人坐一堂上晨夕切磨相與講求四始六
義之旨趣以期合古圣王以詩教天下微意播諸遠近蔚為風

俗豈不盛哉今左君老病閒放條然自樂其天姚子負天下重
望擅才抗年力且富方有志于學問詩其一端自固陋如余者
猶日事諮訪故胡君得于三千里外朝問一紙暮問一紙商競
病必律法如獲同堂晤對姚子其為余致語胡君空山寂寂歌
嘯徜徉坐老梅花下擲寒泉洗滌秦漢時明月得詩貯瓢中暇
輒甄綜郵寄長安故人如余及張侍御倚聲唱和姚子檢而錄
之勒為一編他日必有奉皮陸故事相擬者惟憾南北隔而出
處不同耳然固可相喻于詩中矣今而後胡君其勿望人之知
乎

秦小覲曰寬一步正是際一步乃知工于為文者全在題外
運掉題上盤旋乃能其箇中點題之腦

余五六歲時先太泚人教識字每奉古人鄉里官爵表字相問
難後漸知著述遂喜筆及細瑣所謂不賢者識其小者也又屢
司書局河間紀文敏公嘗以順治初年縉紳書付校閱曾為之
跋南昌彭文勤公嘗以明代貢客者俾綜核遂有所述自有制
本以來凡科名掌故之書雖殘紙廢縑無甚闕繫余必收之遺
聞軼事往往而在李子既方明經秋錦徵君從孫也承其家孝
博雅好古於百餘年來文獻尤留心諮訪乃有鶴徵錄之刻以
余同嗜好千里郵書乞序竊念儀徵阮雲臺巡按有康熙己未
詞科掌錄之輯無錫秦小硯侍郎有己未詞科錄之輯詳備無
遺余嘗校而序之此編後出簡校有体要依竹垞鶴書手藁及
家乘記載綜括而成之者旁搜遠引稍遜於阮公秦公而言必
有據事必有徵矍然井然實與二書相發明蓋阮書以博摭

秦書以必晰勝而此書以矜貴勝皆足以敷陳

朝廷之盛曲矣若杭大宋之詞科掌錄我于自述其事而世或
憾漏畧之未免焉既方出其記誦緒餘為增損而錄之不可與
茲錄並重也哉

秦小峴曰識小本領吾輩所當共鼎勉者從容敘述老重不
佻無意為文而自至

張布衣詩序

詩之可孝致者格也律也不可孝而致者才也單縣張子鶴儔
天昇以奇傑才而又得一時之老師宿儒口講手畫歷有年所
而成其為張子之詩味子生有異兆七歲病為先人命為僧習
梵曲并試以他書遇目輒記憶不忘秀水盛柚堂奇之憚以詩
文遂送孝焉應京兆不利絕意進取布衣終其身工書善畫嗜

飲不善治生落拓貧且病依其壻以卒而子又先亡斯固奇矣
夫味子少智慧而不及讀書能讀書矣而溺于困阨所謂智慧
者澌沒殆盡徒留其筆墨于山巔水湄以發洩其慷慨激昂之
奇氣於人所不及見不及知之地何其悲也余識山左詩人甚
夥乃不識張子張子沒已八年矣而始見其詩見其詩如見張
子乎而張子由余序其詩信可傳乎嗚乎亦豈余與味子所及
料也哉

秦小峴曰長言永嘆以蕭疎之筆寫悲壯之音此謂筆奪造化
白雲行而春風煦物有此夷猶瀟宕

楊琴川為吳子野畫昌溪村景詩序

昌溪村者吳子野駕部舊居也在歙邑迤南得山水清趣子野
寓京師久故鄉風景往往縈懷畫師楊山人湛思為圖其八景

許孝廉會昌丹子野鄉人也見之巖溪休木幽深曠遠宛然若
識其處一題詩紀事吳子更乞余詩既應其請復乞又乃有
戲焉萬物生天地間焉往而非寄歟畫寄也詩歌亦寄也吳子
許子楊子生鄉而居師寄也居京師而念江鄉焉詩歌焉寄
之寄也余生長于京師似非寄矣而覩楊子之畫忽焉與往懷
許子之詩又忽焉情來而又不能不有託於百物四時安平
泰樂以長養其身舒暢其心也又豈非寄歟老子曰吾不得知
其名強為之名道也楊子不知昌溪而圖昌溪強名之曰昌溪
圖道乎吾不知昌溪而詩昌溪強名之曰昌溪詩亦無龍道乎
秦小覲曰天矯盤旋統存莊列

是程堂詩集序

郭頌詩清雄查梅史詩瑰麗琴鵑年減於二君所為待則弗減

父_曰二君稱莫逆也嘉慶九年二君自刻詩集琴陽索率鏤板
既而悔之然世所傳是程堂詩集四卷洋洋洒洒固已凌厲無
前矣六七年來遨遊金陵淮揚兩寓京師與當世賢豪推襟送
抱酬和益多其間伏居里閭讀書岩寺蕭寥曠放有遺世獨立
之概一切富貴寵利若無足動其心者乃過蜀岡誦泰軍賦過
涼館觀海嶽書過南埭讀荆公詩有餘慕焉方其水行山屨櫟
馬船車襍被塵溝橋大覓之杏花淨業之荷花退谷之櫻桃時
時繫念若夫衣冠簪紱間候奔走未嘗汲汲也昔王輞川_後畫中
有詩人稱為詩佛琴陽之畫亦_中與輞川孰勝詩已寢寢入輞
川堂室由翰林改邑令必有實政及民宜不復措_意詩為詩顧哀
其近詩八卷踈淡閒適之作居多乞余叙而請益焉噫嘻余烏
能益君哉吾友吳玉松侍御詩人也見余_詩秋館吟卷而曰卷

多名作惟君押韻確當用事真切方意求工人皆弗及斯為
極詣陳稽亭虞部嘗曰客能詩余之心客能畫余之心才有則
吾將復焉於是求畫師為柱門圖二三年明城殆遍一日得琴
陽筆曰斯可矣遂乞休詰朝束裝載圖如拱壁出國門養女詩
與畫為世所傾倒愛慕如此吾不知輞川當日有人傾倒愛慕
以詩與能如是不又琴陽之詩與能令人傾倒愛慕傳于天
下後世如輞川者又不知頻伽伯揆見琴陽今日之詩與亦如
吳侍御陳虞部之傾倒愛慕嘆為極詣視如拱壁者第琴陽年
方壯盛彈琴而治上協時雍於安之庥慶歌而揮焉其故事當
何如也余豈敢僅以詩為期許之也哉

秦小峴曰前路逸客似永叔入後排真似退之正不能以唐

宋人安其造詣

胡上舍七十壽序

予官祭酒時以文章與海內向季之士相切劘稱甚盛丹陽郡尤多奇士內行淳茂不僅以華蔭相誇耀涇縣吳氏一門為極而予之撰著亦行于其鄉後又有王氏味氏負篋遊於門別皆涇之鄰邑太平人王君文苑○甲子授于鄉味君應揚○戊辰授于鄉皆績孝勵品惇謹不苟且之士味君一日告予曰應揚不敏年幼讀書無似深賴舅氏胡同厚以養以成竊念舅氏性好善喜建先賢祠宇輸金創書院為諸生徒治膏火惠蹊險道刈之使平繕之使整行道之人感且切焉今年九月七十誕辰應揚受提拔尤篤敢請先生言為獎勸非獨應揚一人之私且勉為吾邑倡行善也吾未交於胡君交味生如交胡君也諺云外甥似舅此言當不欺予唯唐之劉太冲宋之梅圣俞博洽

上詩顏平原歐陽永叔咸稱頌弗衰後世播揚無異詞今胡君
為丹陽產吾不知其于劉太冲梅圣俞何如而古山之膏壤永
溪之下有隱君子出徘徊磻石瀟潭林木蔭翳而古梅花相掩
映人必疑為遊仙者則吾雖不敢与平原永叔顏頤而味生樞
衣撰杖于其側酌聖賢詩去顏歐揖讓之風不遠也爰為之序
秦小岷曰全從陸居看筆又全不從陸居設色工于取勢斯
不為題所縛束

跋

閔徵草堂收藏諸老尺牘跋

余今年三四月闲户春病曾輟三十年朋舊尺牘荃鈔為書
而又擇其筆墨古雅人往風微者數十牘裝為卷以供欣賞
林郎中以閔徵草堂收藏尺牘長卷見示且命之跋嗚乎是真
與余意同

能不忘其先人者矣文達公讀萬卷書歷官清要五十餘年熟
朝家習古今掌故中外請益問字其日凡有幾計其往來箋素益盈
箱累篋矣香林獨取此數公又于數公獨取此三五則則於信
之篤嗜之專而念祖謀愛親重親其胥於是乎見焉卷中文定
文正文清文勤文端瑤華覃溪耳山諸老余皆藏其手墨惟東
原去之然余初入永樂大曲館為提調曾共東原先生校書三月論
經說史今觀其遺翰猶想見其為人實足與諸老並重也

陳鍾溪曰篇中川不忘其先人為主之言有体感舊恆人依
細欲絕

書

復汪均之書

伯之公子仁兄足下十年前僭題誦先國冊久知德門澤長世

多傑士頃接手翰高情雲指吐屬不凡惟寵奮過當僕不免當
尊清適迥非時流所能企及唐之柳州宋之半山庶幾近
之由此而莊韓公穀不難矣竊嘗思之文之有理猶人之有心
也文之有清奇濃淡猶人之有耳目口鼻也耳目口鼻有不同
心有不同乎元明人不逮唐宋人漢魏人不逮周秦風氣有升
降人心有升降乎奇傑魁梧之士出不為風氣轉移持此心於
上下古今之際相維相繫摧折磨澀而不改而後幾于成幾于
矣又不敢自信質諸詩書必諸朋友或經數年而有進焉或經
數十年而有進焉非此心為之此理為之也耶足下軒羣之材
抱用世之志第敢以區區文章為足下勗乎而識見不可不真
趨向不可不正富貴可也貧賤可也文章之極則生人之立命
祇為願足下詳察焉願君詩筆雄逸高邁有深造古人處第

恐非流俗人所易知素齋借採十餘章並大作俱錄入拙選中早晚
謀付梓也拙文友刻于楊州拙詩既其墨刻于杭州俱非第
竟板亦不求寄京弟處僅見而無存其或于南中覓之愛我
者當秘其醜焉不取世名也請希為道自重

馬秋渠曰妙論至文入情入理

與南中友人書

寄檄至獲讀函札正欲奉覆鴻起又奉書并羣雅集來選政精
嚴箋翰為執信讀書人職業且羨且愧僕弟奔鄙衰病以三十餘
年未幾几案筆墨遂冗杳汎濫非敢与古人爭長也年來有刻
拙文于楊州拙詩于黃州者僕其惴惴焉阮中丞又為刻詩于
杭州藏其書靈原是國可感而足下又復選拙詩附諸名公
白後不益增弟之罪過乎然已各書俱止其以版送京弗願廣布

其中如有可存數百年後當有人知之京中竟無副本故每
後就○又有朋舊及見錄六十四卷纂于十五年以前其
例仿明詩綜秦小峴為作序唐○刻○前集與書至今年始
成而三十年朋舊贈答題咏之作別為教聞集冒吳氏同人集
例也鈔為十二冊尚未分卷第○讀書記性最下又有備忘錄一
書或抄自秘集或聆諸師友不加議論必正其事是非駁難使
閱者自別白之亦藏拙省力之一法也○力梓行字繁帙富又
艱于騰寫每緣質大雅耳詩話雖傳于南中其實尚○未○蒙
諒索遂轉託鮑起鴻起孝廉手錄數十則求正寄棧倉梓南歸
未能祖錢子餘浪遊東越其詩畫當益進頗○會之當寄教也
順保更安不盡

馬秋葉日叙述明細可備○掌故

復黃心盒書

心盒仁兄足下三年未通音問雲情高瞻山水空濛無從致訊
耳均之公子寄到楚中尺素殷拳雅注念鄙人豈可謂深且摯
矣今詩所見集可省全本否必當從此面訪續有所獲不妨二
集三集四五集也鄭孝威詩現之例可循集今年閉戶養病兩
月偶閱二十年前手定朋舊及見錄秦山峴曾為序序久列于
小峴山人文集中特重加校勘益以後來所獲繁雜其刪之聲
為六十四卷應酬白傳一首不啻做朱氏詩綜王氏詩傳而略
變其例詩有萬首擬刊板于旌懷已有成議矣至于題贈之作
三十年来合詩賦文詞亦有八十卷筆牘佳妙其間收一二如
均之之寄書可也其中美醜不齊鄙意但須潤色不煩去取存
其筆墨如觀其人耳篇什太多恐難于一時刊刻俟諸異日如

均之其人^以重理於數十年之後亦何不可第今年五十七歲
未敢言老然素病日劇得均之輩數人支撐于天地間不才藏
拙庸下大可娛樂因均之待文當以國士目之聚散何常南北
又何常也顧劍峰卻君遠寄皆奇現其將文可知為道傾慕不
一一致札尊選今詩所見集懇賜一全函弟妻皆零星不成部
之散本切囑如歸併希鑒察不宣

馬秋藻曰言必由中義各有當無理取鬧壯夫不為

答顧劍峰書

善白劍峰秀才呈下均之公子雲寄來手教殷殷懇懇數百言
何其忠且摯也猥蒙以退之子賸相推而以李翱皇甫湜味素
秦觀自居乃期許過當而望道若猶未見耶今之公卿若之士
也士而未嘗見好子公卿一旦公卿矣安知士之為可好哉即

曰好之必先知之也必且樂之也不知為士不樂為士此豈
矣非好之難固知之難樂之難耳士負異之行其氣象必不
侔于衆言論風采往往与流俗人不相合世且疑其迂遠不近
人情此必此士也亦何辭足下久困于有司而好歐陽唐李現
馮宿味香友之文世有昌黎亦第与足下比肩拱手焉安能出
一頭地哉况昌黎世又不數數觀采大_{及阮}中將恃乃其所出相
似必互相乱尽人眩天弊絕害作謬議能扶經之心_余到都之
非酷管仲之有識世論能闡史之奧_余王与召太乱寧寬小姦
二語宰相之言_余皮膚考求儒知一而不知二此所敢為也_以
年科第老鮮見聞_余母北方考其奔陋拘墟浮名虛譽_有
足憑據方欲求一二實者_余足下其相与磨礱淬礪庶几稍_有
成就千里神交何幸_余此之尊待下筆不落_余及窠臼_余屢屢_余特造_余

如山谷之孝少陵取神合耳已採入及見錄中餘多不備詳布
鑒察

陳鍾溪曰確解高識運筆心如屋鐵錢永

答汪均之書

善白均之仁兄足下叠示教言深情快論足以增小儒之知豁
塵土之胸足下以道自任如是文技之興也省日由矣弟且服
其有勇有識遠復他識夫莊騷以前多莊騷班馬以前多班馬
韓蘇以前多韓蘇士貴自立身何必与古為徒哉但須脚踏實
地不厭不倦弗求異于人而人自不能同之矣來書所云文貴
有真氣及為文之本有二語極文章之能事極此術以往思過
半矣單秀才久知其名其作未見足下所識當不誣也心愈選
詩初其鑒別不可太濫不惟不能成名且受敗名嚴慎二字選

家要訣觀劍峰孝力臻第一流不在蒼文西隱以下詩文高
氣貫注頗具武進黃夏重風骨夏重名珮為吳梅村代筆梅村
嘆弗及此文稿常州人稍之惜無刻本且不見之否方今有力
此當為校刊之可以敵水叔躬菴不唯弟老病侵尋冬寒愈劇
日臥牀榻犹幸未遂遠筆墨諸希為道自重餘多不宣

陳鍾溪曰愛才好古一往情深謂之印以勉之身分自見
狀

洪稚存先生行狀

君姓洪氏初名蓮改名禮吉後又改名亮吉字君直一字稚存
號北江晚自伊江歸乃號更生然人皆稱為稚存先生云先世
居歙祖娶于常州乃居常為陽湖人居生四歲伯姊教識字
五歲能背誦大孝中庸六歲而孤母蔣太宜人携居外家自課

君詩以繪機教燈影圖也太宜人嘗各宜其室家命之屬對
君遂對云飽乎仁義將太宜人頗奇之十三孝作詩待以批鼻
勝蓋少年時即能為盤空硬語焉二十四補博士弟子員而同
邑趙恒玉黃景仁為友至江寧袁大令枚以為逸才未竹君筠
督安徽君賞其文似漢魏與黃景仁俱延入幕中嘗稱二子
才攷書京朝官謂如龍泉太阿皆萬人敵君既居孝幕交江都
汪中餘姚邵晉涵武康高文照高郵王念孫金稽章孝徵與化
頤九苞歸安吳蘭庭等日進會

朝廷開四庫館命浙江搜采遺書而安徽省設局則君摠其事
錢侍郎維城彭孝使元瑞蔣編修士銓爭稱之乾隆甲午科中
江南副榜第一人以君而孫星衍黃景仁趙恒玉楊倫呂星垣
徐書受為七子四十六年佐浙江孝慕聞蔣太宜人病馳歸距

常州三十里徒步入城逢遇僕以太宜人卒告君方渡橋遂
隨水隨流下數里人救之出久乃蘇歸家水漿不入廿五日終
喪不肉食不入內寢自以未及親含歛哀戚終身遇諱日輒減
食雖客中途次不變中式四十五年順天鄉試會報罷與孫君
星衍遊秦中居畢制府幕為校刻諸古書而日遊秦中名勝詩
文益富康熙成科成進士○廷試一甲第二名入翰林為編修壬
子充順天鄉試同考官闈中奉
命視孝貴州翰林未散館而為孝使赴前韓城王文端近則吳
縣石殿撰韞玉及君旦及而已秩滿還
朝入直

尚書房嘉慶三年翰林廷試

欽命題有征邪教疏君下筆數千言觀者皆動色旋以弟喪歸

里君於兄弟朋友之喪皆力行古道黃君景仁客死秦中君實
經紀之使步送至家云今

上親政朱文正屢言之既入京自以翰林無言事責乃以已意
論時事上王大臣乞轉奏

天子鑒其愚慙僅謫戍伊犁不一年赦歸而所上王大臣書

天子特置之座側而嘉許焉君感激

全恩既返里用杜門再書以嘉慶十四年五月十二日卒于家
得年六十有四娶蔣氏先卒子四長飴孫戊午各人次符孫昨
孫齏孫女二孫凱曾序曾孫女一君生平著述極富其刊行者
卷施園詩文集若干卷附鮒軒詩文集若干卷更生齋詩文集若干
卷三國量域志二卷十六國量域志若干卷乾隆府廳州縣志
五十卷當皇朝日余方侍班一見即與訂交君子飴孫居喪

次不能為文以余久故知君深乃寓君年譜為行狀以待
他日求當世能文有道之士為銘幽其之來擇謹伏

阮芸臺曰不朽之人得不朽之文以傳之愈樸愈精采也
表

贈武功將軍雲南通判岸亭陳公墓表

吾二十年前於翁覃溪先生所知陳君廣寧能考必金名文字
後于儀徵阮侍郎所知陳君^君侍逾十年陳君來京師視余借何
氏園觴余十日乃別行蓋陳君以嗣父雅詹嚴官而擢副將時
也又逾年陳君擢提兵來京師以本生父贈武功將軍表墓反
為請今年八月郵銘傳行狀至且徵前稿余何敢辭公姓陳諱
全修字念祖自號岸亭籍浙江之山陰以曾祖理官廣西遂移
籍為平泉人祖廷綸康熙庚辰科進士官至廬州府知府父齊

家本賢良方正官至廣饒九南道皆能以讀書飾吏治公兄弟
九人公行三少質性過人既長通經史奉乾隆二十五年本省
鄉試明年上春官不第遂援豫工例為縣令官益公以沈博之
姿浸淫于載籍其深承其先世代有名賢樹蹟于東南公得有
所則效厯教郿邑經畫數十大事民心靡不感動其宰桂陽也
實分撥口糧之例桂陽今至今懷之其調益陽也倡捐廉建城
之議益陽人至今懷之令太和雪楊氏婦之冤畀阜陽調荊湖
減獄囚之死又能振荒修閘禱雨平糶太和阜陽荊湖人至今
懷之而治和門蛟患一事最為大吏所重顧竟以此得勞疾公
公生平不苟利不避害不薄以待人不厚以待己其必賑撫不
實之不可寔為盜必鬥死者之不可寔為拒捕時人或疑之久
乃見信擢雲南通判未抵任卒時乾隆五十八年九月也年亦

贈

十有一以子廣寧貴肥武功將軍配凌安人肥封夫人子二長
廣福例授州同知次即廣寧公仲兄全傳官臺灣縣丞死林爽
文之難度得蔭無嗣以廣寧為之子襲雲騎尉游升福建副將
提兵公少以文字見知于桂林陳文恭公新建張文達公武進
錢文敏公能詩善書善畫善堂詩文集八卷審駁成案二十四
卷歷朝詩選三十卷廣寧將次第刊雕以顯公之志先大夫與
公同乾隆庚辰科同登廣寧是以以文屬余余於公為年家子
而念公之治績卓卓可述又知廣寧于廿年之前故不辭而為
文其隨上之碑其家世子姓之詳見墓誌茲不具

阮芸臺曰語簡而意長峭然之光蒼然之色不可迫視

誥授朝議大夫禮部貢外郎前翰林院編修江南道監
察御史謝君墓表

余甫長沙謝君同於乾隆四十五年成進士入翰林年齒相若
性情契合出入而偕避難必共歲月遷易升沉榮瘁遂有不能
同者而其用心之所在未嘗不同也君既棄世余猶奄息人間
安得而言君氏謝名振定字一齋號薌泉湖南湘鄉人系出金
稱從長安遠祖諱惟典妣始遷楚後乃定居暮潭祖如潭貢生
父再詔乾隆壬午科舉人君兄弟五人君其季也十歲能屬文
弱冠應試諸錫心考士拔為弟子員第一自是君兄弟五人皆
在考丁酉科君與仲兄振仲同舉于鄉庚子君成進士選庶常
君父在家病卒君奔喪歸丁未散館授編修戊申副胡文楷公
為江南考官得士稱盛當時考士為湖南者使時吳御史雲以請
生佐其幕激賞君文定為弟子員第一升吳御史也及戊申君
主江南試而御乃出君門士林稱文章之契合不誣甲寅五月

改監察御史九月巡視江南漕務多善政江民稱便請建風神
廟于江干君渡輒得順風京口人至今有謝公風之稱旋朝巡
視東城大孝士和坤妾弟而其家人橫于市懲之焚其車越二
日有劾其縱放不合者乃罷御史職君固喜讀書至是益肆力
於古文間以待酒自娛樂琴所居門額曰心耕書室以見志今
另行平指望帝御題知君名以主事用僉分祀部甲子科典試侯西六如
試江南時陞本部員外即授戶部坐糧厯刷洗積弊殆盡凡蠲
不藉手胥吏監收天津北倉漕船火徒步徃救其修康家溝壩
張脩故道開果渠溫榆可為文以祭自此昌黎故事而工耒治
迹以積勞致殞以其年嘉慶十四年卒年五十七君工古文喜吟詩性
嗜山水不畏險阻且必窮其勝在都遊必與余偕時必有詩文
以紀登泰山華山造其巔記文皆傳于世明大喬士李東陽君

之鄉人也余訪得其墓居慨然慕而修之病中猶捐貲鑿井灌
林木土人咏為新泉居古文在歐陽屠獨孤及之間約余仿其
剡洲選明文海例輯

國朝文為一編曰今文海繼姚鉉唐文粹呂祖謙宋文鑑顧天爵元文
類自江南載十數書麓而歸托余手相後托以其事為不可不
慎然終未能助君卒常是余生平之一憾也悲夫元配氏周封
恭人二子長與曉嘉慶戊辰齊人以與垣監生皆周恭人出女
一適李宗茂孫邦鈞垣出孫女二曉出君病劇以自著如聖堂
詩文若干卷付吳御史雲校字云

泰小峴曰二君交情道誼具見于尺幅昆陵集卷中上乘文字
朝議大夫寧夏府知府何君墓表

余交文何太守二十年矣太守少余十三歲而精力血氣全不

帝信使官甘肅不知其病忽傳其病且死而凶問至矣嗚呼傷哉天不可信矣君豈可死之人哉而君竟死矣君之子乞余表墓終年而不能為葬乃忍慟書之君諱道生字立之號蘭士先代由中州遷灵石曾祖諱傳貢生州同妣陳氏祖諱世基附貢生州同妣鄭郝父諱思鈞乾隆乙未科進士翰林院檢討妣王梁張三代皆以君貴贈封朝議大夫妣皆贈封恭人君昆季六人君其仲也七歲梁太恭人歿哀毀以成人入塾為耆宿所器隨檢討公居京師檢討公督課嚴江南名士入京求為弟子師者莫不知有何氏書塾君年十五下筆為文已自不凡王蘭泉程魚門法瘦銅君父執也折輩行交年二十一歲奉子鄉明年丁未偕其道冲今改名元煊登進士一時傳為科名盛事君以詩負重名既改工部主事習勾股精算法日入異由一

二老成僚友講求切實之學上官胥屬之君散衙仍鍵戶讀書
遵檢討公教也君四充順天鄉試同考官壬子甲寅乙卯戊午
四科也得士如王侶蘭王泰履果承福王丹又鄒植行鄭錫鉅
趙秉淳陸樹穀朱彬彭蘊輝陸師泌劉燾楊景仁皆一時之選
余官祭酒錄科列前茅書蓋十居八九云嘉慶元年擢本部員
外郎并郎中御史四年冬以大臣密保

召見命巡視清寧溝務五年授九江府知府六年丁父憂十年
服闋授寧夏府知府

召見君奏宿病未廖願就京師奉

職

溫諭以汝之為人朕所素知寧夏要缺汝好為之如果不勝再
請不遲君遵

循往君生平勤慎廉潔官部曹簿書錢穀叢脞紛拏親為籌畫

及巡漕供帳饋貽裁汰殆盡山東巡撫惠公語人曰何御史少
年風骨峻拔如此且孝問人品皆不可及方今第一流人也聞
其建之九江調弊業稱難治值湖湘亂民潯擾毗連九江兵差
絡繹不辭勞苦而心力固已大瘁焉其莅寧夏一如九江時乃
旬日假銀紵為故事滿城兵餉由府庫支領府庫又由藩庫支
領君未任事有急需贖卹於前太守取兵餉墊之君既任事餉
不敷以廉俸委縣令於錢店兌往內微雜以鉛將軍遂入奏奉
旨解任詎候查辦事白復任又以劉公大纛升臬司姻親例迴
避去任而疾篤矣君工詩善畫豪于酒又好隱憂數年以來時
住京師就余晤見每日不無無日不詩更無時不酒無事不憂
也乃以嘉慶十一年七月十八日以病驟亡于寧夏時四十有
一耳可傷也已信封朝議大夫配陳封恭人子二長熙績次耿

絕似陳書克家女五長適陳映輝以字提室元飴幼孤男四不
星福寧熙出福雲福安耿絕出余與君及吳穀人王惕南情船
山待舍最久君死余為訂其方雪齋待集焉

陳鍾溪曰孝亭為屏山表墓於此明細夢感悽惻

墓誌

誥封中憲大夫浙江分巡溫處兵備道例晉通議大夫

雲南提刑按察司使按察使李公墓誌銘

公李氏諱孝夫字青上明初自鳳陽遷山西之靜樂遂世為靜
樂人祖之擅官高郵州知州父暉官淮南儀所監掣同知生三
子公其季也性溫厚生平無負言遽色父沒時食指繁弗獲已
與兄析居公生長江南不諳西北風土習俗無術治家益落
嘗援例為部司務居京師久之不得官歸而鬻其產皆盡又兩

喪其配死喪之戚貧窶之况人有難堪者而公恬然也公事母
沈太恭人孝沈太恭人愛長孫鑾宣曰汝種德當在孺子太恭
人沒公哀毀不欲自生及鑾宣成進士官刑曹公所以誨之者
如其為諸生時鑾宣為監司誡之曰無察察之政者有醇之
德無赫之名者有寘之功吾願汝為外吏如為內官時既
官臬司則又誡之曰雉不隱其文故麗於羅網不藏其班故陷
於牢汝疎中而下急不能忍吾且恐汝麗焉而陷焉矣公之教子如
是人以為善承沈太恭人之意可謂以慈成其孝也靜果賦重
當公嚮田時黠者取其田而遺其賦餘田多沒于水歲入不足
充正供而公之入賦如故至稱貸于人以應之是以稱公為長
者鑾宣嘗疏公行事示余云人負己債置弗問已負人則罄所
有與之質庫帖積如束筍弗計及也公以鑾宣貴累封中憲大夫

浙江分巡溫處兵備道嘉慶十二年六月十一日卒時鑾宣方
成伊犁及蒙恩拜歸十四年秋擇吉葬于邑東凌華岡之東所
鑾宣與余交三十年在京師時無三五日不通及既官于外
平格指每作書回必述公意訊余今以銘幽之文為請余安敢辭公配
孫淑人繼配喬淑人先公卒子二長鑾宣乾隆庚戌進士歷
官雲南按察使次綸宣監生孫一復觀銘曰
樸本無華其理必堅礪石不文其真必全高山蘊靈必濬於泉
慶雲葆光必著于天哲人之後必有名賢

秦小峴曰簡古矜重枝辭蔓語芟刈殆盡銘幽之文固宜如
是

吳蘭雪曰文亦具孤潔廉悍之致

記

校樂大典記

明永樂元年九月詔學士解縉以韵字類聚經史子集天文地理陰陽醫卜僧道技藝之言為一書越年奏進賜名文獻大成上覽書嫌與未備更命姚廣孝李季麓及縉監之簡翰林學士王景以下二十五人為正副總裁中外宿學老儒充纂修國縣改學縣學能書生員繕寫開館于文淵閣光祿寺給朝暮繕司事凡二千餘人累十年而就是為永樂大典凡二萬二千餘卷一萬一千九十餘冊貯之文極嘉靖三十六年三殿災書以救護免敕閣臣徐階摹鈔副本一部書手一百八名每人日寫三葉起嘉靖四十一年訖隆慶元年凡歲事焉歷二十二年南京祭酒陸可教請分頒處方御史校刊議允未其說散見於張元忬之館閣漫錄即瑛之七修類藁朱國禎之湧幢小品姜紹書之韵石齋筆

談阮葵生之茶餘客話惟諸書皆載目錄六十卷而宋書稱九十本殆有誤歟今翰林院所貯僅一萬冊相傳為李自成所推殘檢每冊後署銜則曰直隸提校官侍郎高拱學士某分校編修某書寫儒士某其為嘉靖本無疑不知原書今歸何所竟無人知之是可怪也此書發凡起例實未精善而宋元以後之書因已搜羅大備世間未見之鴻文秘笈賴此而存惜唐隋以前之書藏之耳然余披檢唐人之文如張燕公陳子昂陸宣公魯顏公權載之獨孤至之韓昌黎柳柳州宋天歐陽修行周劉賓客李義山杜牧之羅昭諫行世本外各有增益者數十篇少者亦六七篇其不習見於世之人蓋往而有之也當此之時苟欲考宋元兩朝之制度文章蓋有取之不盡用之不竭者焉若徒便其按韻索覽是固當時編輯一隅之見也

阮芸臺曰：詳備可當一代藝文志。千頃堂書目不能如是簡核。必詳疎有闕，繁證據。

借綠山房畫集記

續前

臨川李郎中薌甫，芸甫昆季，奉職居京師，居長椿寺僧寮，相向寺門外，踈槐高榆，掩映衢巷，乃以借綠名軒。余時時詣其所，說詩書，俸今年暑雨稍踰兩三月，未及登堂，慰契闊休沐之暇，風日嘉淑，折柬招余，並約同人工給事，各出其能，以為娛樂。佞余為記。余有慨焉。夫京師五方雜處，公卿大夫既各守其官，奮志於功名，橫經之士，搦技藝之流，亦必有所趨向，以自專其業，欲求一日之暇，有不可得者矣。然吾聞諸荀卿云：其為人而多暇，日其出人不遠。淮南又曰：謂孝不暇者，雖孝亦不能孝矣。由是言之，不暇於人事之恒暇，於人心之安，身是日也，庭除洒掃。

肴核修潔賓客歡洽飲酒賦詩相期敦古人誠敬之誼以快其
怡心而後托詩續素貞之文章二李君慢切悱惻之意豈有涯
涘乎時秦侍郎酒微酣大殷歌唐風曰今我不樂日月其除乎
已太康職思其居語客肅然起耻余進而言曰良士休休不皆
從瞿瞿蹶蹶來乎願語君子休休於暫時時以瞿瞿蹶蹶其行
之終身哉侍郎曰善余遂書以為紀念若于人某某期而未
至若若干人某某依託其法式善也嘉慶十四年八月初二日
馬秋重曰幽懷逸趣古義今情其關係要說出有關係來文
之制勝以此

陳石士編修藏尺牘卷子記

余與姬傳先生未識面而得其報書二通凡五紙藏詩箋笥若
王惕甫文且取二十餘年來寄言報書不下百通且文繁紙長一時未克

張軸擇其精者綴為書冊淵如亦三四十牘附錄帙中手墨別
仍秘藏之今睹石士編修朋舊尺牘第六卷姬傳先生已得二
十餘通而以惕甫淵如各一通附後余所未見五卷中知先生
手蹟蓋不少也姬傳生遵嚴熙甫後作為文章得甫叔子鈍翁
西溟坐溪氣脉相通貫並世中應推此為老為巨擘矣編修受
業先生之門獨傳其秘而墨蹟重為什襲又復摩挲體驗日久
不渝其宜其文筆橫掃一軍也余二十年前曾裝朋舊尺牘兩
巨軸近乃因循莫繼自恨季荒才退讀書無術而知父寥落散
在四方將仿石士之例陸續為之或亦好孝博文之一助耳

秦小峴曰淡書著墨遠靈傳神

又新堂記

特詳

朱子曰新其章其舊之謂也其義敬見於大畜九征幽風月令

涉徑善善必知所趨向焉然吾見夫世之釋新其若雲霧花
是也今日之雲雨昨日之雲不今年之花雨昨午之花不同而
右僕刻左之行花之放亦亦亦窮期豈非又之謂歟山右王生誠慤敬信
尚素氣重然諾老屋三楹葺而新之而曰吾新厥業敢弗新厥
德乎顧其堂曰又新乞余為記既嘉其有合古聖賢立身立家
之旨又廟乎孝王生勉乎哉推之劉龔之所謂趨新陶潛之詩
謂服新皆此意也若夫王得背放向新之論則不可不熟察而
深思之矣王生勉乎哉

陳鍾藻曰篇從韻長似訓詁又似銘贊半山之峭鋤子固之
質直殆兼之矣

校金唐文記

內府金唐文抄本十六函每函十冊約計其文益萬又幾千焉

前無序例亦無編纂姓氏首葉鈐梅谷二字私印相傳為海寧陳氏遺書或云玲瓏山館所藏或云傳是樓中物大約抄非一手藏非一家輯而未成僅就人訪習見常行採掇為卷唐人各集亦皆錄近代坊本舊尚書官兩淮監政時購於揚州而上貢

秘殿嘉慶十三年十月奉

詔補輯纂校纂獲奔走於其間爰從諸君子後閱四庫全書若干部天下府廳州縣志書若干部金石碑版文字若干部紙而又閱永樂大典二萬卷釋藏八千二百卷道藏四千六百卷然後補入若干鳴求盛矣夫唐人之文近不能昭著于有唐之時摧殘漸滅越千年而後顯焉唐文而唐詩並傳而不能昭著于刻唐詩成之時輾轉流傳越百年而後興焉夫此千年百年於

豈今之所能為也哉老子云復衆人之所過以輔萬物之自然
而不敢為又云執古之道以御今之有能知古始是謂道紀斯
役也吾蓋三復斯言云

陳碩士曰妙遠在筆墨之外

存素堂文

序

武虛谷同年詩集序

清娛閣詩集序

自怡軒詩集序

白鶴山房詩集序

澹春堂詩集序

翠微山房文集序

朱閒泉詩集序

清秘續聞序

槐廳續筆序

杭郡選舉錄序

國朝寓賢錄序

完顏太淑人七十壽序

跋

白桃花詩冊跋

觀生閣花鳥跋

南院諸臣恭和詩卷跋

桂花圖跋

書

復趙味辛書

傳

喬君家傳

墓表

誥授奉政大夫工部屯田司員外郎楊君墓表

墓誌銘

江西糧道前江蘇按察使司按察使于公墓誌銘

記

此篇查已刻則抽出

孫學齋書庫記

萬柳堂記

煦齋侍郎慕蘭亭獨孤本記

周貢生詩記

共廿四篇

存素堂文集續集卷四 庚午年

序

法武書房

武虎谷同年詩集序

吾友虛谷詩以外無弗能者斯語也虛谷信之天下人皆知之何藉余言哉雖然虛谷之絀于詩也非虛谷絀以詩詩以虛谷絀耳虛谷讀書務為根柢有用之學浮華聲譽屏除殆盡交遊倚重絕去時習獨往來于寬閒寂寞之鄉以自矜其志向出都而作吏不肯稍自貶損視人之喜怒為喜怒視人之愛憎為愛憎以厚誣乎生平則其于詩又安能隨波逐流委阿取容詭合俗尚哉又安能託体漢魏六朝三唐而求割竊字句摹擬聲調如土木之偶麒麟之檀為有識者所誚厲哉今虛谷已已外中皆稱為端人正士生平著述漸次刊刻傳布其子孝廉小谷以余與君文字相知求訂其遺詩余惟君之詩清剛峭拔自有成其為君之詩者不可及法尤不可潤色失其真君之傳固不在說詩況其詩必傳乎吾將以告天下人之不知虛谷詩者

真實棋至不稍逾其分量文章恰到好處

以下仿式倣此

言泉雪

清娛閣詩集序

余與論山即中交三十年而論山詩凡數變余嘗語論山曰君之詩以^本集第前作為佳茲不及也論山駭然曰君言何與吾妹茵香言昭合因得聞茵香夫人說詩之旨後論山歿後始與舸山先生通尺素令嗣澂試京兆往來既洽令姪深庚午科發江南解元與兒子桂馨又得稱同年于是盡讀清娛閣吟藁憶前明孫文恪墜繼配楊夫人詩稿附文恪集行世楊修撰用繼修室黃安人長句小詞藝林稱誦王元美云用修有詩答婦又別和三詞皆不及也楊黃兩媛雖為世稱而篇什寥寂長篇鉅製不聞茲清娛閣各體俱臻醇粹七古尤合唐音當與織雲樓媲美餘家多^{雅抗}不及獨念論山沒已久詩文皆未刻行其子遵十六七年前錄科成內均文筆已自超卓拔俗聞近日貧且病思之可傷更念論山與余乘騎尋翠微平坡諸勝馬上誦茵香詩不

下數十聯嘗評其詩後曰老兄欲退避三舍故王夢樓嘗稱陸
香詩律工細過于其兄今舸齋工詩好遊家有賢子弟兼能慎
于決擇斯集之成余固先睹為快且以慰其兄論山于地下云

論述得體徵引怡合

陳石士曰

自怡軒詩集序

怡雲員外自其少時承袁簡齋先生指授名噪白下後以王詩
亭時時寄所作於京師就余商榷其詩一變既而來京師余時
與穀人葑亭瘦銅蘭士作詩於城南員外往往搦筆墨從事其
詩又一變其後余官祭酒凡試期員外必先衆人至坐古栢下
或巡行叢碑側前人舊事有所感觸形諸歌詠越日必乞余評
泊其詩又一變嗣登賢書官農曹數往來於南北十數年來余
以多病遂不克多見其詩今年員外以疾卒於官其子定求定
中奉樞南歸綜員外述其詩疾卒於官匆匆不暇去取爰為述其首
焉簡齋生時東南之士日趨流派員外髫齡出其門簡齋嘗選
刻少作員外久漸悔之而始用其說及簡齋沒袁氏弟子多背
師而醜詆之員外則曰吾幼所授於吾師者如此安敢忘余憶
許秋巖漕帥之言曰倉山老不可無一不可有二此至論也員
外誠可以師倉山矣願二公子選其精者而刻之勿以多為也

前國子監祭酒法式善

尊簡齋抑流齋皆不失分寸和平正當之言 秦小峴

葉編修白鶴山房詩集序

編修葉仁甫先生督閩學歸以所刻唐治南五先生遺集相贈
五先生者歐陽詹徐寅王棨黃滔韓渥也仁甫先生五經教士
閒暇復課以聲韻又念詩莫盛于唐建中貞元文詞崛興常袞
為福觀察誘進後生推振寒素歐陽詹名譽頓起今先生得士
之衆且美亦豈在袞下哉所著白鶴山房詩集四卷丁未至庚
申時作梓而行之殆欲樹之鵠與披覽一過清氣往來深心融
結實近今作手于五家中得歐陽之深秀徐之明麗王之工整
黃之清淳韓之豐郁譬五聲焉五色焉五味焉多所加弗可也
少所闕亦弗可也或曰先生入翰林後賦與詩典重高華不減
王水部麟角集宜單行之余曰歐陽四門黃御史未得志所作
諸篇與初集序續集余當別有著論同館世愚姪法式尊

簡劄六復峭厲

葉琴柯

同館世愚姪法式尊

澹春堂詩集序

二十年前識東鄉吳蘭雪于京師說詩辨談易無間禮闈報罷樸被詩龕數月積水潭淨業湖荷花盛開一夕月上蘭雪獨往遊大雨驟至衣衫沾濕科頭跌跌足而歸卧舌根根吟聲不輟家人狂之於是知其好遊凡有遊詩必工因告余曰吾友徐次山詩且工尤好遊盟日偕次山至詩工不減蘭雪遊興尤勝劇偶出其師鍾明經詩集乞余論定之余曰此不可以概言也夫山谷之詩不可以比柴桑然道園之師詩不可以比山谷子必欲強明經之詩為道園乎為山谷乎為柴桑乎明經必不居然柴桑山谷道園之詩又未必

盡出明經心力之外明經學者也其必於上下數千年貞淫正變
之間慎思明辨不惑於歧途不誘於僞說成就一家之言宗柴桑
可也宗山谷可也宗道園可也吾雖不獲與明經遊交次山如交
明經惜蘭雪歸不得以此語證之

秋山澹遠白雲掩映文章烘托之法如是言畧雲

翠微山房文集序

吾友給諫曹定軒前輩忠篤至誠人也生平奉先宗丞公遺教持家勤敬居官謹慎交友信篤而讀書尤以黜華崇實為職志雖恪守昌黎東坡為宗尚而下筆弗規規襲其貌平正說理自有真氣往來其間吾嘗從給諫游工房天壽湯山諸勝其游上房也過盧溝雨初霽路泥濘夜半同人迷失散逸君坐途次堅俟之大聲疾呼終會合而後往困頓無少怨懟其游天壽湯山也屆期諸君皆以小事弗往君獨早至戒臺山之西南隅祀宗丞公木主春秋佳日必率子孫往祭禮秩然間約余同至觀其孝慤不異庭闈問視年七十外未減孩提也登眺之餘作為詩文酬唱每附刻于紫雲山房集後刻刻不忘其親有如斯乎所作疏記能持大體老年喜熟讀大易毛詩尚書反復玩究苟有心得必著于篇人始詫為創解者久且奉為定論近日若告

余曰吾先人藏書汗牛充棟奇文與句纍纍然揔不若孔氏書
近道晚年故有集粹諸編蓋君之文以已之性情通乎人之性
情而已外此非所知也余故曰宗韓蘇而不襲其貌者也是為
序
嘉慶十七年歲次壬申五月同館侍生法式善拜撰

拙而茂簡而文

書畢中朱洽涓

朱閒泉詩集序

余二十前提調史院纂進官書時時詣內閣與總裁等商體例一日清晨總裁未至就椿陰下乘涼先是馬秋藥挾書一帙繙閱見余色喜曰適鄉人寄詩至求先生鑒正蓋其外父朱青湖老人詩集也携歸讀且再覽與秋藥體格稍異而其情思意度有出乎張文昌劉隨州上者秋藥促余序之而未及也既而陳雲伯自杭州為余畫詩龕圖且言詩人朱閒泉游戲筆余時不知閒泉為青湖子屠琴塢抵京師艷稱查伯揆詩亟索之琴塢曰亡矣聞朱閒泉手其集奉先生尚未來耶余于是乃知閒泉乃望閒泉越數月閒泉紆道遊太行始至叩余門挈其郡人詩數種相餉遺把臂言笑若平生歡由此或數日而一見或數十日而一見或一年而一見大抵在古寺茂林中者居多見輒賦詩作畫一切塵俗事翛然若忘君心口如一有所鬱積于中不

能含蓄發洩盡致莫辨人之受與不受傾肝胆為計畫百端叻
乾唇燥弗顧人多笑其迂君以為如是待朋友朋友必無有負
之者余甚服其真摯而孰知天下事有大不然者哉陷于罪罪
且未測查梅史三日廢飲食大雨中驅薄笨車遍告京師士大
夫遂無不知其寃者事乃白嗚乎梅史詎僅以詩知君者哉梅
史詩雄偉君詩恢奇皆一代作手君既飄泊梅史復流落江湖
久絕音耗君得蕉園為樓託且得傳君詩吾與蕉園四十年交
好知之甚深傷君又羨君也

看似零星瑣屑實係一線穿成一結尤有
遠致泰小峴

興清秘續開序

典試學使同考諸掌故既編為清秘述聞十六卷大興朱文臣公序而行之矣史局纂校之暇復滙近科諸姓名仍前著錄名曰清秘續開釐為三卷仰見聖

聖天子命題之正大

僉使之慎重皆有闡于

用人行政之實焉易曰聖人久于其道而天下化成所以興賢論秀燕日上讀是編者不益信而足徵哉

平易言(之)自西正大 秦小峴

槐廳續筆序

余前輯槐廳載筆一書特以資藝林之談論而已行事數年茲又續得若干卷猶曩志也徵文考攷獻當代之典寶存焉微惟近日稗乘小說家連作詭譎罕所據依不足取信且其文多不雅馴故是編採諸詩文集者較夥凡紀

思述事可以傳諸奕禩播為嘉話者始筆之書如朱文正紀文達彭文勤諸公詩注往々根據確覈隨手甄錄彙而存之未克如前書標舉門類者卷帙無多非自亂其例也

要言不煩勿事取華藻秦小峴

杭郡選舉錄序

余喜藏郡縣志備檢最耳然余所著述近代事蹟

易考辨君漢官已上則難之吾友蔣東橋先生湛

深經史生平而述其大者多刊刻行也其利筆零墨

皆足膏馥後學杭郡選舉錄外所記特奏名亦稱進士于前代太

學選察升補各條款私試公試省試內舍上舍諸規制規

其西徵引明晰若指掌可寶也已

古碑舉王子知提挈書之井不索非老筆不克

國朝富賢錄序

廿年前于書肆得黃氏遺詩一鉅帙本冲先生兩手選錄其
先世~~十集~~遺集^{十餘卷}有刪削覃溪先生見之以為太冲的筆詩
殊佳皆朱竹垞檢討明詩綜所未收^{在余}後校官書咽文海六太冲手
勘奉字畫宛然茲東橋富賢錄首載太冲後七十字家多採
輯庸逸事彙成~~可~~裨益^以聞見余前佐芸臺小岷二公纂輯
已未鴻博書時惜未得寓目也秋吟太史其寶之

浙東耆舊首推太冲提黃氏遺詩作網別審題
得勢^{王子卿}

完顏太淑太七十壽序

完顏太淑人之寡居也堂上有姑時膺疾動履弗自由扶掖
需太淑人者二十餘年子四季效側室出今官筆帖式孟則侍
御君仲叔官太守世遺薄田僅中人產家人食指浩繁太
太淑人善經理量入出日用稍裕擇傅俾諸子讀書直則躬自
督誦持針黹辟芋相伴以一女子持籌握算子祁寒暑雨歷百
變而不渝如是者幾何年侍御君始登仕籍而太守以次登仕
籍家道日隆諸子皆赫然有聲譽於時世皆謂太淑人之教太
淑人曰先人之遺德也余何能繼而仲叔淑君皆出為太守請
往侍養太淑人曰食貧吾素甘且不耐風霜車馬勞長安居自
慣奚僕僕為侍御躬親色笑脆羨之珍華綺之飾皆絕弗自
用骨獻之於堂上親戚族黨莫不羨之以為榮而太淑人持針
黹辟芋自若也侍御子奎齡官光祿寺署正署正子英幹年

甫六齡喜識字弄父墨太淑人教之嚴小有過失侍御君恒率
子若孫跽而受訓誨侍御君愛彈琴署正君喜畫吾每過其書
堂聽其稚孫誦二南琴聲畫影家庭和樂之象不禁為之神往
今太淑人七十初度侍御承歡者二十二年矣神氣豐腴有逾
於少年人或有以積瘁而健也疑之余謂壽之理正宜如是莊
子曰受命於地唯松柏獨不其然乎太淑人不以文墨為嫌余
故敢於琴室畫屋間而進此序焉

閑曠之筆沈摯之思 阮世昌

其骨格得之虛陵震川而村有南雷謝山風
味豈近日較之南東諸文集遂有霧露之潤耶朱滄

白桃花詩冊跋

京師馮益都相國所種芍藥朱竹垞檢討所種藤花至今猶噴
噴人口為詩家典故非總總有異于芍藥藤花也以相國檢討
耳亦非僅有異於相國也檢討也一時所與游者皆賢士大夫
耳今芍藥藤花已無存而當日歌詠之什傳播勿衰詩之能感
人心固如是之甚乎余友吳子野駕部僑寓京師海岱門外其
園檀亭堂花木之勝屋之西北隅有白桃花一樹蓋百餘年物蔭
可蔽一二畝約客觴其下可坐十餘席江淮湖海之士見之每
詫為奇觀十洲記東海有山名度索有大桃樹屈蟠數千里其
言頗不足信茲桃豈其種與姑弗深辨子野風雅好客值春風
吹欄紅雨下階招用舊歌飲其下相與盛感眺則子野之白桃
花又何殊相國之芍藥檢討之藤花也哉今子野橐同人詩泐
諸石白桃花傳白桃花之詩與之俱傳後之續春明夢餘錄日

下徭聞者不又有所取資與

淺深層折愈轉愈靈

晉唐

師擅此

渲染

法為秋藥

觀生閣花鳥跋

唐高宗命修陶隱居注神農本草經後復詳定增草木禽虫凡
二十卷目錄藥圖圖經合為五十餘卷後代名手任意採掇
植道安之不顯元明以來代有其人淑媛中擅此長者如元
之管仲姬明之文淑顧不過寄託性情已耳茲觀生閣所著外
師造化中得心源究然如真曲盡其妙幾與宋畫蟬雀扇陳東
府體埒南唐徐熙所謂折枝不足言矣

典雅妙不岑寂 初順園

肅院諸臣恭和詩卷跋

嘉慶九年二月

上韋翰林院

賜燕賦詩更

成七律四章

命王大臣廣和而會其稿

交待即英和親書刊石于翰林壁間以永其傳草稿雖諸臣親進多非的筆中間自書者不過三五家然玉堂

給札金炬聯吟事隔百餘年即為人間不可得之蹟也侍郎
潢裝為卷藏家實不愧三代翰林家風云

足資掌故 阮芸臺

貽齋集三桂花園跋

芝園登第乃翁既為詩詠之勉其懷祖意甚摯也芝園并合令
堂所作桂花一枝合裝成圖示余余因念去歲兒子獲解時夫
人曾画此見賀煦齋侍郎遂有竇家五樹郊林一枝之跋茲鑒
兒獲聯捷春榜併承

選侍東牀則是花也夢兆姻緣胥有賴焉余見此故尤樂為之
題識

小中見大須此鄭重之筆秦小峴

復趙味辛書

陶山附到手書，讀以小兒登第，數百言，意深矣。語樂飾謝斜川集補遺續編，承校訂付梓，甚慰鄙懷。不獨足飫當世士大夫之心，即叔黨公幼樂改之二老，亦必含笑九原矣。第前面有未及述者，不能不實陳。考宋史本傳，宋元人銘志紀傳，蘇過字叔黨，自號斜川居士，無一字屬諸邁也。意或曰：前年在文館校永樂大典，以萬卷~~剛~~珠書大字標題，凡幾千處，皆曰蘇邁，斜川集不曰蘇過，其曰蘇過者，僅二處耳。意或曰：是誤字，豈當日繕錄之員如此訛舛，纂輯之臣如此草率，上進宸覽，毫無鑒察，歷數百年而未聞清議耶？是真有不可解者。賢諸同人殊莫能辨求，大下兄博稽載籍，精覈而詳說之，則感切不盡餘不宣。

陶山寄到一部京師求者甚衆，祈印數部求為感。
瑣事幽懷，閑情遠致，寫得蕭慘抑鬱，初頃園

題照移
下二折

喬君家傳

喬君諱元賦字相文先世由平陽遷介休西鄉之田邨君生而
穎敏言笑不苟年十三喪母哀毀如成人事繼母不異所生為
諸生有聲庠序間

朝廷方開四庫書館以君充謄錄官甄叙當得兵馬司指揮非
其意也歸築廬三楹顏曰學庵羅古今圖書數百卷雜蒔花竹
將以山居老已而官募嵯商入皆避去君獨奮曰公務也敢憚
勞乎卒就之是時觀察高郵沈公重君文趣應試中副榜沈公
歎曰以子文而不得高第命也遂棄去課子弟講學採先儒粹
語揭諸楹壁先世故好善君益修其緒建義塾治橋梁夏施藥
餌冬施衣鄉里賴之配何宜人克承夫志君卒於嘉慶元年宜
人後十三年而卒命其子如宇如齡出千金贍宗黨之無告者
予識如宇述君大略俾余傳之如齡亦有父風云

論曰士不克施其用於時退而為善於鄉亦足稱矣吾聞澤潞
開山運多阻仄行旅苦之今則坦平如砥咸頌君之功衆呼為
喬公山其利溥哉又聞入君之鄉耳不聞諍聲目不覩鬥狀由
喬公之教也烏虜如喬君者雖古之陳仲弓王彥方何多讓焉
不多費筆下墨立言居要柳州之抑奧揚明
夫何讓焉言自皋雲

誥授奉政大夫工部屯田司員外郎楊君墓表

自吾友楊君歿不復有遊觀之樂矣余性疎曠既以不獲歷覽佳山水為憾官閒務簡聞園亭花木之勝輒神往焉楊君半畝園距余居近遂時時蒞其地又得偕菊溪冶亭兩尚書倡酬于梧竹間兩尚書為墨吏遠宦東南君復抱疾遽沒獨學之傷于斯為甚君姓楊氏諱潭改諱涵字映千自號月峯山西靈石人曾祖桂枝祖殿輔太學生後贈如君官曾祖妣闕祖妣許俱贈宜人父士藩候選府同知以次子師濂贈中憲大夫有懿行崇祀忠孝祠妣王贈恭人君其伯子也君性謹愿孝友和睦族黨無間言乾隆四十六年由貢生援例中書兩充武會試收掌海權工部屯田員外郎君業豐厚而恬退澹泊如寒素起家不由科目嗜文章藏古鼎彝金石碑刻甚富賓客往來無虛日值絲竹聲四起君右手執筆左手持杯酒勸酬雜還墨汁汚襟袖不

顧也一日余偕其戚友何君道生招冶亭遊其園暑雨驟過庭
院如洗壁上列菊溪新詩余乘興次其韻何君亦繼聲冶亭則
揮毫書諸楹柱酒半君趣余作園記走筆以應翌日同人傳為
佳話至今思之蓋亦人生不可多得之會也諸子皆岐嶷延名
師課讀悉有法度君天懷浩落宜乎享遐年乃遽疾而竟亡也
悲哉生于乾隆十四年正月初六日卒于嘉慶十年十二月十
八日享年五十有七元配何繼配喬陳並封宜人子四長慶春
太學生娶王先君卒次春榮太學生娶閻次春霖太學生娶何
次春華太學生娶張女六長適梁甲芳候選知縣次適何增綬
太學生次適喬如字大理寺評事次適曹汝洵嘉慶庚午舉人
俱先君卒次適何榮緒嘉慶庚午舉人次適曹汝淳太學生以
某年月日葬于某鄉某原余與君交二十年溫溫然恂恂然不
欲以才藻相矜尚及與論當時人物語簡而當君歿既六年諸

子皆能守君遺教讀書應科舉不妄與外人交斯即君厚德之
報也已故因春榮之請舉其夙知于君者揭于隧道之阡俾後
人有考焉

舉昌黎馬少監廬陵張子野西墓志

而得其髓
阮芸臺

江安糧道前江蘇按察使司按察使于公墓誌銘

公姓于氏諱鼇圖字伯麟世稱滄米先生籍隸鑲紅旗漢軍曾
大父諱成龍兵部尚書河道總督謚襄勤大父諱永裕世襲輕
車都尉兼叅領父宗瑛乾隆甲戌進士江南道監察御史公之
生也侍御公夢古衣冠人入謁母夫人遂生公幼聰穎喜讀書
十三歲入庠二十一歲庚寅中式順天舉人侍御公方改官家
無積蓄食指浩繁課生徒藉館穀為事畜資及揀發江南候補
知縣也上游多以讀書之士相器重又以貴介子弟恐不諳民
間疾苦因委賑揚州嘗步行八十里縣丞某邀樂人侑餐公
曰是何時尚忍行樂乎宰常熟歷勘鹽菜未嘗甚用刑乾隆五
十九年知太倉州蟲災議煮粥以賑僧寺為殿男入由左女入
由右領賑出則由中人咸得食訖事無擁擠踐蹋患全活數萬
衆建育嬰堂大興朱文正為作記晉江商張茅等十二人誤緝

以為洋匪公患其誣宥死河督康公茂國薦補徐守有守潔才
優勤于政事之語蓋紀實也公長余三齡生平愛文墨深以不
入翰林為憾應童子試時余即識公入官後各有職守不克時
得親暱間通尺素而已去年入都握手道故商推生平著述頗
引為同調乃別未幾而訃問遂至也傷哉著有習靜軒詩文全
二十四卷吾友王芑孫序之嘉慶十六年二月二日卒于江安
道署年六十有二子男二定保官某職卿保官某職女若干嫁
某某孫男若干孫女若干某月某日葬于某原銘曰
公家祖德被于江淮後嗣繼之澤流潛潛猗我公詩情酒懷官
閣一編儼坐山齋視民如子同根異莖遺愛在人受福孔皆恒
幹易朽令名不埋瘞此銘詞勿涸塵靈

廉訪一生清德藉此續密之筆足以傳矣不必恢張蹈厲為
也

抽出

孫學齋書庫記

余六七歲病幾殆九歲識字讀書善忘遂以誦讀為苦事然性喜蓄書見書寢食可廢性命之外惟書為親族黨知予癖多以舊書歸余迨入翰林司四庫書局奇文祕冊弗忍釋手每假小史鈔之旬日輒過書肆流覽賈人知余嗜書未見之本必留以待歸余而官書難購特藉余鈔之故於余亦不昂其值也官太學前後六七年問字者知余癖多肯為余鈔書積益多檢閱益不便更無所謂讀之一日也留付子孫計又拙矣築書庫五楹貯之寄一時之性情云爾憶余已友芸圃大令喜藏書官山左時池北庫藏帙蓋得其半

候補京師又得黃崑圃勵衣園兩家書余獲祕本佳
借鈔癖有甚於余者其子不能善守聞已散落矣今
巡撫山東吉止齋工詩喜藏書聞永樂大典稿本存其
家余與止齋交二十年絕不知其事道路之言如此余將
訪之附記於後

湖海惜餘冬煖親其

移也秦現勝家而剛編譯

萬柳堂記

元肅希憲別墅萬柳堂時稱庶園在彰義門外豐臺中有清露堂者是也趙松雪許圭塘貢雲林盧疎齋所歌詠之地

國朝馮益都相國買海岱門東沙河門內地一區其地窪下多水易植柳且慕庶孟子之風故亦名萬柳實非希憲舊址陳其年萬柳堂徵詩文啓可擬近日戴龍塘太僕記述亦甚明晰阮芸臺侍郎再入翰林官閒改簡留心京師掌故一日偕朱野雲山人同訪萬柳堂遺蹟蓋益都歸里堂歸石氏遂為拈花寺寺中大悲閣彌勒殿康熙四十一年石氏所建益都還鄉毛大可寄詩已有約伴往遊一望荒涼淒然淚下感而有作之語則其地廢棄久矣芸臺賦詩感舊有今昔之悲約野雲補樹顧吾思之方肅公之治為堂也不過適一時之興耳而若趙若許若貢若盧亦不過適一時之興豈料後幾百年因其名易其地而更

有茲堂哉方馮公之治為茲堂也不過寄一時之興耳而鴻博
諸君子亦不過寄一時之興豈料後百年因其名考其地而更
欲有茲堂哉是皆非人之所能為矣野雲山人秦州人工詩善
畫為翁溪先生識芸臺侍郎又謂其別字與蘓公同有可記也
故為之記

帝京景物畧日下舊聞皆不能敘述明切
此文可作志乘讀 阮芸臺

煦齋侍郎摹蘭亭獨孤本記

嘉慶十二年一侍郎奉

使命駐節淮揚間者兩閱月時

鐵

治亭尚書總制三江

翰

華觀

察分巡蘓松二公一侍郎卿會舉主也政事外復續文墨蘭亭

獨孤本實一侍郎數年來所蓄于心者觀察先以重資購為已

有遊之久而一侍郎始得見為即為觀察故臨復自臨一通原

帖歸觀察觀察西月西月遭回祿之厄觀察家屬知一侍郎愛重此

遂以殘字贈一侍郎補綴成全愈形人工天巧至寶猶在人間

也而一侍郎之神契松雪翁兩次摹本本流傳為世不可少

之物矣

煦齋喜松雪翁書臨摹時遇之真傳得此
文後學知所考據蔡生甫

周貢生詩記

績溪周氏一門稱最盛自霽原大令問字於余其子弟多從余
遊霽原既沒家漸衰不十年零落殆盡惟貞封進士今令泰寧
別後亦無音耗可慨也吾友程子素齋周氏戚也自南來謂余
曰貞封出都時曾以與亡弟啟元手稿留先生齋求刪定有之
乎余曰然啟元才士志士工愁善病作文苦思過度坐是傷
生余見其下筆數易其稿未嘗不以古人自期期之過甚愜心
遂寡故弗終篇輒廢去存者絕少是非亦未當余亦不能為之
芟刈也程子曰周氏重先生言請識數語啟元死猶生問世誠
弗敢其可存於家乎余因舉生之慎於為文而勉其後裔勿隳
先業也可

於無可發揮中寫出如許閒繫來仁人之信如泰小峴